

ՆՈՒԱԳՆԵՐ

Օ՛, խնդրում եմ, մի՛ նորոգիր.
Իմ սրմնջող վերքերը.

Մի՛ յիշեցնիր սիրոյ նախկին,
Ծրգումս ու հին սրգերը:

Մի՛ հմայիր ինձ երկնային
Գոհարափայլ աչքերով.

Մի՛ կաշկանդիր ուշք ու միտքըս.
Քո հիասքանչ պատկերով:

Առանց քեզ էլ ես ցաւ ունիմ,
Ես վիշտ ունիմ քիրաւոր.

Առանց քեզ էլ կուրծքս տկար,
Արիւնոտ է, վիրաւոր:

Ես ի՞նչ սրտով սէրդդ սրգեմ,

Երբ եղբայրս հարազատ

Տառապում է անօգնական,

Դառը լալիս յուսահատ:

Արդեօք ի՞նչ փոյթ ուրիշներին,

Եթէ քեզի ես սիրեմ.

Ումըն ի՞նչ զործ, ազգին ի՞նչ շահ,

Եթէ սրտիդ ես տիրեմ:

Ումըն ի՞նչ գործ՝ թէ չընաղ է
 Սրտիս սիրած իմ փերին.
 Մի՞թէ մարդիկ կարօ՞տ են իմ
 Սիրոյ ունայն երգերին:

Առանց այն էլ մեր աշխարհը
 Սիրոյ երգով հեղեղուած՝
 Սիրահարի արցունքներով
 Ողողուած է ու ցողուած:

Արմենիայի քուրաստանում
 Էլ ոչ մի հատ վարդ չը կայ,
 Որ սոխակի տանջանքներին
 Ծղած չ'ըլնի լուռ վըկայ:

Ինչպէս որ իմ անուշ վարդը
 Ծաղկանց միջից քաղուած է,
 Այնպէս էլ իմ սրտի սէրը
 Արդէն վաղուց թաղուած է:
 Երբ քոցավառ, մեծ հրդեհից
 Սիրտըս այրունց, խորտակունց—
 Փլատակների, մոխրի տակին
 Սէրըս հանգաւ ու թաղունց:

Դո՛ւ, հնախոյզ գեղեցկունի՛,
 Ի՞նչ ես պտրում իմ սրտում.
 Աւեր սրտիս փլատակները
 Է՞ր ես նորից դու քանդում:
 Երկարատև պնդումներից
 Օ՛ մի գուցէ սրտիս մէջ՝
 Մոխրի տակին՝ գտնես յանկարծ
 Սիրոյ մի կայծ դու անշէջ:

Դո՛ւք, որդեգուրկ, լալահառաչ,
Անմխիթա՛ր ծնողնե՛ր.

Դո՛ւք աշխարհի ըոլոր դժբաղդ,
Յուսահատուած սգւորնե՛ր,—

Ձեր վշտերը, ձեր ցաւերը
Եթէ ծուլէք միասին,
Ձե՛ն հաւասար լինիլ նոքա
Վշտիս փոքրիկ մի մասին...

Նա՛, որին մենք Նէ՛ մնք կոչում
Եւ խոնարհում առաջին.

Նա՛, որ երբէք չէ՛ ունկընդիր
Բանաստեղծի հառաչին—

Անգըլթաքար սիրտըս մտաւ,
Շարժեց նորա թելերը,
Ձքնաղութեամբ ինձ հմայեց,
Վառն՝ց նախկին իմ սէրը...

Դո՛ւք, չարաքաղտ սիրահարնե՛ր,
Եկէ՛ք կազմենք հանուր սուգ.
Եկէ՛ք ողջանք մենք միասին,
Թափենք աղի արտասուք:

Մեր ըոլորի ցաւը մէկ է,
Օ՛ եղբայրնե՛ր վշտահար.
Եկէ՛ք սփոփենք, եկէ՛ք սիրտ տանք,
Մըխիթարե՛նք մենք իրար...

ՅԱՐ. ԹՈՒՄԱՆԵԱՆԵ